

rut bien-tost apres: voicy comme arriva ce malheur. Vne barque & vne chalouppe montoient dans le grand fleuve de S. Laurens, la chalouppe passa deuant; & pour aller plus viste, quelques matelots mirent pied à terre pour la tirer, avec des amares ou des cordes: comme ils vindrent à doubler vne pointe de terre, trente ou 40 Hiroquois qui estoient en embuscade viennent fondre dessus eux, avec des cris espouuëtables: ils tuent d'abbord les deux premiers qu'ils ont à la rencôtre à coups de haches: ils décochent vne gresle de fleches avec vne telle vîstesse & promptitude, que nos François ne scauoient de quel costé se tourner, n'ayans pas preueu ce coup là. Ils eurent bien la hardiesse de vouloir aborder la chalouppe avec leurs canots, & n'eust esté qu'un François les coucha en iouë avec son harquebuse, & que la